

義州鄉土志

410.73

1539



義州鄉土志目錄

歷史

政績 附田賦稅釐警務賑務

兵事 附軍制

耆舊

人類

戶口

氏族

宗教

實業 附學務農政工政商政

地理 附公署

山

水

道路

物產

商務



義州鄉土志

歷史

義州各醫巫閭之右案

盛京通志撮要志之在昔唐虞時分冀州東北為幽州錦州府其所統地義州屬焉夏復為冀州商因之周初為朝鮮地後屬燕秦為遼西郡地屬遼東漢置象縣後為州城地其東南為無慮望平二縣東漢及三國時皆因之晉省無慮縣南北朝後魏太武帝時省望平入廣都縣隋屬高句

麗唐平高句麗於無慮望平二縣地置巫閭守尉都護府設守捉城入渤海國為顯德府宋時地隸遼置宜州崇義軍領宏政開義二縣又置成州領同昌一縣并屬中京金廢成州改宜州為義州修土城

即今州城池

領宏政開義同昌

三縣元省三縣入義州以州為大寧路明洪武時何浩仍舊修築永樂宣德間楚勇營輒乃廢州置衛與廣寧衛並屬遼東指揮使司崇禎四年遼東巡撫邱禾嘉請築義州廣寧二城遂以七月興工我

朝崇德五年派鄭親王濟爾哈朗貝勒多鐸率兵修義州順
治初年以此地與察哈爾王康熙十六年王叛討平之設
城守及巡檢屬廣寧縣雍正二年改屬錦州府移府通判
治之十年設管邊同知十二年升為義州仍屬錦州府至
今仍之

唐 禹貢冀
州之域

虞 幽州地

夏 冀州地

商 同

周 幽州地初為朝鮮
界後屬燕界內

秦 遼西郡地

漢 系縣地

東漢 同

魏 同

晉 同

後魏 廣都縣地
屬高句麗

隋 高句麗地

唐 巫閭守捉城地
後為顯德府

宋 屬遼中京地

遼 同

金 宏政開義同
昌三縣地

元 屬大寧路地

明 屬廣寧衛地

國朝初屬察哈喇王地雍正十二年置州

政績

寄百里之命而與民生之休戚相關者曰親民之官夫官曰親民則必以民心為心興養立教父母斯民彼召伯化行南國童公治洽西昌者以此耳義州雖地屬邊隅舉泣斯土而有能聲善政功垂於民者亦不乏人謹按次序列於左

遼 韓慶民

任宜州節度使金闕母下宜州拔槎枏山慶民死之其妻

亦自殺

金 瑤里孛迭

北京路陀羅山謀克人以軍功擢東北路招討使六群牧人叛孛迭領步騎入至懿州奮擊大敗之承安二年賊亂軍千餘出沒剽掠錦懿間孛迭追敗之復獲所掠悉還本戶五年知廣寧府遷崇義軍節度使捍邊有功

元 塔出

蒙古札剌兒氏初授東京等路總管府達魯花赤以廉勤

進開元等路宣慰東京行中書右丞遼東道宣慰使乃顏
叛力戰却之軍懿州州人羅拜道旁泣曰非公吾屬無遺
種矣所至討擒餘黨禁止俘掠帝嘉其功賜珍珠上服拜
遼陽等處行中書省平章政事

明 馮時泰

字虞廷山西汾州人任廣甯道兵備參議守正不阿築大
定堡等數十處區畫有方

國朝

崇德五年三月鄭親王濟爾哈朗貝勒多鐸率兵修義州
城駐劄屯田

康熙十六年城守平珠修築城垣創立尉署

乾隆四十三年浙江徐公之寬任義州興利除害奉

敕築城至四十八年上竣

田賦

尉署

八界共應徵倉地九萬一千五百零四日一分
旗民散領莊頭地一萬九千五百八十八日

餘租共徵十三萬零八百四十九畝零四釐三毫
銀租共徵五千七百三十八畝八分零七毫

州署

紅冊地六萬一千七百七十四畝零一釐
民人餘地一萬一千零七十八畝二分六釐

加賦餘地一百六十畝零一分零九毫
首報私開餘地三百九十八畝五分五釐

續增首報私開餘地五千七百零八畝六分九釐
民典旗人餘地五萬零七百四十三畝七分四釐

永遠徵租餘地一千三百七十五畝五分
暫行徵租餘地五百八十六畝

旗民夥種退圈餘地十三萬八千三百八十九畝七分四釐

稅釐

牛馬稅 向有稅官經理由光緒三十二年始派員設局收之

斗秤捐

斗捐項下 元豆 吉豆 紅糧 小米 小豆

秤捐項下 元磨 綾麻 藍靛 粉條 木耳 麻繩

頭 蘇油 元蠟 棉花 猪毛 木炭 葉子菸

繩麻 豆油 豆餅 榮麻 水膠 田房稅 每年

收入一千四五百兩

土藥地皮捐 每年收入八九百兩

以上二項均歸州署戶科承辦

土藥捐 斗秤捐 燒酒捐 鑛物捐

以上四項及各種雜貨捐由光緒二十七年始派員設局收納

警務

今將各處巡警列左

總局一

分局三十

本城總局一所

冷家勾

花樓

稍戶營子

瓦子峪

四台

小籽粒屯

張弼堡

石佛堡

關家屯

清河門

興隆堡

孫柏屯

甄城子

小河東

頭台

羊圈子

戴家屯

景家堡

泥河子

新民屯

老爺廟

樹林子

大定堡

郭家大屯

鄒家屯

亂泥勾


劉龍勾

劉隆台

沈家台

碾盤勾

班鳩塔



賑務

周禮大司徒掌荒政首曰散利薄征臧文仲言救荒之首
在務嗇勸分自古以來發倉廩賜貧賑之莫不以此為要
務也義州地雖中中亦屢遭歉歲光緒二年大飢經本城
李鶴年請賑以救飢民迨光緒二十一年復大飢尉署乃
發倉廩貸米於民以濟飢民故雖有水溢旱乾之患而民
無菜色實又民之幸耳

兵事

王公設險以守其國重地利也用武而不知地利猶令眈之視而跛之履焉故兩軍相交其險要之地為兵家所必爭者耳

金閣母戰遼韓慶民元兵戰高麗張致彭智孫叛據此地明神宗十年大寧部蘇巴爾噶與弟綽哈子布延圖入寇萬歷四十八年九月征胡都司候中安駐此鑄其事於磚城北石洞 國初查哈爾王向附為額駙脩外藩爰以其

地界之為公主湯沐邑康熙十四年逆藩不靖蠢動跳梁護衛辛珠馳行告變請兵靖逆咸豐十年王達劉珠叛同治二年柴寶善叛八年馬俊子叛光緒十六年教匪郭百齡陳明楊明等叛二十一年潰兵入境二十六年拳匪起邪說興閏八月逃兵擄掠清河門重陽俄兵入城次年元旦俄又至票匪迭起如潘親潘和大崔二崔等

趙好義

康熙己丑科進士居鄉倡立老人會為有流丐轉死溝壑者會首驗無傷痕即買棺掩埋以免尸骸暴路

王猷

字元亭乾隆壬申科進士翰林院檢討官至大理寺卿毓慶宮行走學問經濟均足表式鄉閭

李鶴年

字子和由編修累官至河南巡撫河道總督所至有聲厥

功尤著於河南立大梁書院設粥場豫省士民為立去思碑著有豫軍紀畧行世又復篤念鄉誼光緒二年義大饑請賑以救飢民義立書院慨捐千金助之

韓曉春

字覺庭邑庠生學有心得破產著書現有鑑略註解國統便覽醫宮實錄學庸貫解詩品註解行世

德印

字綬廷滿洲人咸豐年本邑挑兵助勦髮逆素為兵者多

畏而不敢往印以庫得力奮勇從軍在直隸深州等處勦
賊有功累官至盛京將軍衙門協領署金州副都統著
有戎疆瑣記

人類

當海禁大開五種雜居之世界各地土著之民不一其類
若義州則異是地屬僻塞陸路則不通火車水路則不通
輪船故所居之人僅旗民回三類皆居住已久其性情質
樸風氣日開並無番畬裸苗猺獞伶仃狼豕狹打牲貂黎
土司等項之人移居境內至於各類人數詳於戶口